

Padze 1

Eun pasèn dézò la CLEENDA, eun RA s'è rachà la PI.

Padze 2

Lo ra va eun tchi lo CORDAGNÌ é lèi di :

« Cordagnì, soplé, remenda-mè la pi que dz'i rachà eun pasèn dézò la cllenda ! ».

« Bièn cheur ! » lèi repón lo cordagnì « Mi pe hen lé mè dz'i fota de la sèya di POUÈE ».

Padze 3

Lo ra va eun tchi lo POUÈE é lèi di :

« Pouèe, soplé, bailla-mè de sèya pe lo cordagnì ! ».

« Bièn cheur ! » lèi repón lo pouèe « Mi pe hen lé mè dz'i fota de la FAÈNA ».

Padze 4

Lo ra va eun tchi lo MELEUN-Ì é lèi di :

« Meleun-ì, soplé, bailla-mè de faèna pe lo pouèe ! ».

« Bièn cheur ! » lèi repón lo meleun-ì « Mi pe hen lé mè dz'i fota di GRAN »

Padze 5

Lo ra va troué lo TSAN é lèi di :

« Tsan, soplé, bailla-mè de gran pe lo meleun-ì ! ».

« Bièn cheur ! » lèi repón lo tsan « Mi pe hen lé mè dz'i fota de la DREUDZE ».

Padze 6

Lo ra va eun tchi la VATSE é lèi di :

« Vatse, soplé, bailla-mè de dreudze pe lo tsan ! ».

« Bièn cheur ! » lèi repón la vatse « Mi pe hen lé mè dz'i fota di FEN ».

Padze 7

Lo ra va troué lo PRO é lèi di :

« Pro, soplé, bailla-mè de fen pe la vatse ! ».

« Bièn cheur ! » lèi repón lo pro « Mi pe hen lé mè dz'i fota de l'EUE ».

Padze 8

É lo ra va troué lo RU é lèi di :

« Ru, soplé, bailla-mè d'eue pe lo pro ! ».

Padze 9

Adòn lo RU baille d'EUE i RA que la porte i PRO ;
é lo PRO lèi baille de FEN que lo ra porte a la VATSE ;
é la VATSE lèi baille de DREUDZE que lo ra porte i TSAN ;
é lo TSAN lèi baille de GRAN que lo ra porte i MELEUN-Ì ;
é lo MELEUN-Ì lèi baille de FAÈNA que lo ra porte i POUÈE ;
é lo POUÈE lèi baille de SÈYA que lo ra porte i CORDAGNÌ ;
é lo CORDAGNÌ lèi remende la PI que lo RA s'î rachà eun pasèn dézò la CLEENDA !